



ՓԱՅԼԱԿ ՍԱՐԿԱՎԱԳ

ԵՐԱՄՏԱԳԻՏՈՒԹՅԱՆ ԽՈՍՔ ՎԵՆՓԱՌԻՆ

(Ասված Վեհափառ Հայրապետի գահակալության
և անվանակոչության տոնի առթիվ)



Երունազարդ Հայրապետիդ թանկագին կյանքը բազմաթիվ արժանիքների գոհարներով հյուսված մի շողարձակ մանյակ է, որն իր երկններանգ գեղեցկությամբ ունի բացառիկ շքեղություն և արժեք։

Մենք բարեխղճորեն հետևել ենք մեր ժողովրդի և մեր Եկեղեցու իրար հետ սերտորեն միահյուսված պատմությանը և կրթականի հարգանքով, հաճախ նույնիսկ հպարտությամբ, կարդացել նրանց լավագույն էջերն արժեքավորող մեր այն հոգևորականների անտանները, որոնք ժողովրդի, Հայրենիքի և Եկեղեցու սրբազան դատին ի խնդիր նվիրաբերել են իրենց բոլոր հնարավորությունները, մինչև անգամ՝ կյանքը։ Այսօր հպարտանում ենք, որ նրանց փառապանակ անունների շարքում, մեր ժողովուրդը դասում է Ձերդ Վեհափառության մեծ անունը։

Շատ են Ձեր էությունը կերպավորող արժանիքների տարբերակները։ Ձերդ Վեհափառության ուսերին հանգչող տալիների ելեքին նայելու փորձն անգամ հոգեզմայլ պատկառանքով է համակում ուսումնասիրողին։ Սակայն Ձեր հույակալ նկարագրի հիմնական գիծը — Ձերդ Վեհափառության անհանջ հայրենասիրությունն է... Հայաստանյայց աշխարհի առաքյալական գեղեցկությունը, նրա քաղցր բուրմունքները, նրա հողի, ջրի, նրա վեհանիստ լեռների կախարհիչ շուրջպարերը՝ Ձեր հոգուն սովել և տալիս են վեհապաշտ սնունդ։ Ձեզ մոտ հայրենասիրությունը լոկ գեղեցկությունը, այլ միտք և իմաստություն... Ձեր հարազատ երկիրը դուք սիրում եք, քաջ գնահատելով նրա անցյալի վսեմ մարտիրոսությունները, ընդվզում ենք ու պայքարը և նրա ներկա վիթխարի յոխճումները՝ գիտության, արվեստի և մշա-

կույթի գանազան ասպարեզներում։ Խորապես պատճառաբանված է Ձերդ Վեհափառության ցուցաբերած անսահման սերն ու հոգատարությունը ժամ առ ժամ բարգավաճող Սովետական Հայաստանի նկատմամբ, որն անդ Ձեր սիրելի ժողովուրդը իր իսկական սկեզարն է ապրում։

Ձեր կյանքի երկրորդ կարևորագույն զարկերակը — ժողովրդասիրությունն է։ Դուք Ձեր ժողովրդին սիրում եք, որովհետև ճանաչում եք նրան։ Դուք արցունքով և հպարտությամբ եք հետևել նրա անցյալին և տառապանքներին և հերոսական պայքարին և միաժամանակ հիացրել են Ձեզ նրա հաղթանակներն ու ոսկետառ նվաճումները։ Հայ բազմաշարժար ժողովրդի նկատմամբ ցուցաբերած Ձեր բյուրեղացած սիրո էական հատկամիջը — ջերմությունն ու հետևողականությունն է։ Ձեր կյանքի մատղաշ տարիներից մինչև այսօրվա ալիզարդ հասակը Ձեզ նվիրաբերել եք ժողովրդին։

Ձեզ համար խորը վիշտ է, որ դեռևս անդորր և գոհացած հոգեվիճակ չեք ապրում այն բանի պատճառով, որ հայ ժողովրդի մի մեծ հատվածը թափառաշրջիկ կյանք ունի։ Սփյուռքի ցուրտ ավազուտներում և անհայտընկալ մայրերի վրա։ Սակայն Ձերդ Ս. Օծությունը հավատացած է, որ Սփյուռքի հայ հատվածի տառապանքներն ևս շուտով վերջ կգտնեն։

Դուք հոգեպես հրճվում եք, երբ սեփական աչքերով տեսնում եք մայր հողի վրա հայ ժողովրդի շքեղ վերածնունդը, բացարձակորեն ապահով կյանքն ու երջանկությունը։ Ձեզ համար ավելի քան միևիթարական է մանավանդ այն, որ մեր ժողովրդի ապագան խորհրդանշող արշալույսը մշտապես շողարձակում է։

Խորապես հոգատար և նախանձախնդիր եք Հայաստանյայց Առաքելական Եկեղեցու

բարգավաճման և հարատևության գործին: Բացի նյութական միջոցառումներից, շատ մեծ ձեռնհասություններ և իմաստուն գործերակերպով, Դուք նրան ապահովում եք արժանավոր հոգևորականներով, որոնք պատրաստ են հետևելու Ձեր սրինակին:

Հայաստանյայց Առաքելական Եկեղեցին բազմիցս գնահատվել է Ձեր կողմից, որպես ազգային-դեմոկրատիկ Եկեղեցի, Դուք բանիցս շեշտել եք նրա վճռական դերը մեր անցյալի պատմության մեջ ազգապահպանման և հայ ժողովրդի մշակութային կյանքը կազմակերպելու տեսանկյունից: Թվել եք նրա բազմապիսի ծառայությունները և երախտագիտական զգացմունքի ներշնչել մեզ դեպի նրա հնավանդ սրբությունները: Նա եղել և մնում է Ձերդ Վեհափառության սրբություն սրբոցը, որի շինության, անսասանության և քարծր հեղինակության համար մատուցել եք Ձեր անձնվիրությունն ու մեծ միտքը: Դուք արդար վերդմունքով եք խոսում նրա դեմոստրացիաները կատարող բոլոր գույների Սղաշանյանների մասին:

Սուրբ Էջմիածնի Հոգևոր Ընձարանի նկատմամբ Ձեր հայրական հոգատարությունն էս մի փայլուն գրավական է Ձերդ Վեհափառության եկեղեցատիրության և հայ մշակույթի նկատմամբ ցուցաբերած ջերմ սիրտ և հարգանքի: Դուք մեծ իմաստություններ նախատեսել էիք Հոգևոր Ընձարանի անհրաժեշտությունը և ձեռնարկել նրա վերաբացման գործին: Դուք սրբազան խնդիր եք դրել նրա առաջ՝ «Տալ Հայոց հնադարյան Եկեղեցուն և չքնաղ մշակույթին՝ արժանավոր սպասարկումներ: Դուք թելադրել եք ձեռնարանի հոգատար վարչությանը, «որ նա լինի հայ հոգևոր կյանքի և տոհմիկ գիտության ամենաջերմ օջախներից մեկը»:

Ձեր սերո ռաանողության հանդեպ պահանջման է:

Այսօր ուրախային հատկապես այն է, որ շնորհիվ Ձերդ Ս. Օծություն ամենօրյա հետաքրքրության և հոգատարության, Հոգևոր Ընձարանն արդեն կյանք է կոչել իր նպատակները: Նա պտղաբերել է, տալով իր անդրանիկ և երևորող շրջանավարտները: Ի միջիթաղություն Ձեզ պետք է ասել, որ Հոգևոր Ընձարանի լավագույն ուսանողները իրենց հոգուն հարազատ զգալով Հայրենիքի, ժողովրդի և Եկեղեցու գործին նվիրաբերվելու պարտավորությունները և ամսաբայ Ձեր սղեղերի հորոգումներին, ընդգրկվել են հոգևոր ասպարեզում: Գրեթե Հիսուսի աշակերտների թիվը բոլորով աչգ երախտագետ սարկավազների սրտաբուխ զգալունքների թաղամանը լինելով ձերդ Վեհափառության առաջ, ինձ պակասում են բառերը, որակել կարենալու համար Ձեր անսահման սերն ու

գորգությունը մեզ, յուրաքանչյուրին հանդես: Ձեմ կարող փոխանցել Ձեզ այն ջերմությունն ու հարազատությունը, որոնցով Դուք համակում եք մեզ, «իմ սիրասուն սարկավազներ» խոսքերն ասելիս...: Հոգևոր Ընձարանի անմիջական նվերները հանդիսացող սարկավազները, տոգորված երախտագիտությամբ, անհանաջ վճռականությունն ունեն կատարելու Ձեր բոլոր պատգամներն ու ներշնչումները:

Հայ դպրության և հայ մշակույթի հանդես ունեցած Ձեր անխորտակ սիրտ և հավատքի արտահայտիչն է «Էջմիածին» պաշտոնաթերթը: Հանդիսանալով «Արարատ» ամսագրի տրամաբանական շարունակությունը և նրա լավագույն տրագիցիաների որդեգրողը, «Էջմիածին» կատարում է պատմա-բանասիրական, հնագիտական, գրական, գիտական, գեղարվեստական, կրոնա-բարոյական, ագրային, հայրենասիրական շափազանց մեծ և շնորհալի աշխատանք, որը միայն փառք ու պատիվ կբերի Ձեր մեծ անվան:

«Եկեղեցին Հայրենիքի հետ... Եկեղեցին ժողովրդի համար»... «Ե՛հա՛ Ձեր խմաստուն դեկավարության խարիսխը: Դուք անձամբ այս սկզբունքի ոչ միայն պատգամողն եք, այլև կենսագործողը: Ձեր կյանքը հարուստ է վերահիշյալը հաստատելու բազմաթիվ կենդանի ապացույցներով, սկսած սարկավազության տարիներից մինչև հատկապես Հայրենական պատերազմի տարիներն ու մինչև հիմա:

Հայ Եկեղեցու հնարավորությունների ի սպաս դրվելը Հայրենիքին և հայ ժողովրդին, նրան տվել է ազգային-դեմոկրատիկ բնույթ: Ձերդ Վեհափառությունը, հետևելով մեր երջանկահիշատակ հոգևորականների օրինակին, որոնք մեր Եկեղեցուն տվել են աչգ երանգը, տարել ու տանում է ամենաճշմարիտ դեկավարությունը թե՛ նրապես Հայոց Հայրապետ և թե՛ որպես հայ ազնվագույն մարդ:

«Հայ ժողովուրդն ունի միայն մի Հայրենիք՝ Սովետական Հայաստանը»... «Ե՛հա՛ Ձերդ Ս. Օծության ազգային գործունեության ամկյունաքարը: Հայոց Հայրապետությունը միշտ էլ միասնական է եղել հայրենի պետության հետ, և այն առանձին շեղումները, որոնք տարվել են որոշ կաթողիկոսների կողմից, դատապարտված են պատմության արդարադատ քննադատությամբ: Հայրենի պետության հետ համերաշխ ու միասնական աշխատանքը Հայրենիքի և ժողովրդի բարօրության, ապահով ու երջանիկ կյանքի համար, Ձեզ միայն փառք և պատիվ կարող է բերել: Երկրի վրա տեղական խաղաղության ապահովման համար Ձերդ Վեհափառության

աննահանջ պայքարը՝ Ձեզ վերապահում է մեծ հումանիստի նվիրական տիտղոսը:

Նրկիրը տաղնապի մեջ է: Պատերազմի հրձիգները կորցրել են իրենց հավասարակշռությունը և նախապատրաստում են մարդկային սպանդներից ամենասարսափելին:

Հայ ժողովրդի համար, որը բոլոր ժողովուրդներից շատ ավելի ծարավ է խաղաղության արևի կենսասփյուռ շողերին, ազդային մեծ հպարտություն է, որ իր Եկեղեցու ձերբնազարդ Հայրապետը տեական խաղաղության համար մղվող պայքարում բերում է իր անմիջական գործուն մասնակցությունը:

Հավատարիմ լինելով Քրիստոսի աստվածային վարդապետությանը, հավատարիմ լինելով Հայաստանյայց Առաքելական Եկեղեցու նվիրական սկզբունքներին ու տրադիցիաներին և Ձեզ պատասխանատու համարելով մարդկության և մանավանդ հայ ժողովրդի արդար պահանջների առաջ, Ձեր խղճի սրբազան թելադրանքով նվիրվել եք խաղաղության մեծ գործի անխուսափելի հաղթանակին:

Ձերդ Վեհափառության գործունեության այս լայն ասպարեզի վերլուծությունն ու զնահատականը պատմությանն է վերապահվում. ինձ մնում է միայն ցանկանալ Ձեզ ուժ և կարողություն, որպեսզի ես առավել երկարաձգվի և արդյունարբերվի Ձեր գործունեության թանկագին ժամանակը հօգուտ Հայրենիքի, ժողովրդի և Եկեղեցու:

Հայ Եկեղեցու պատմության մեջ Ձեր անունը կարճանագրվի ո՛չ միայն որպես Լուսավորչի, Ներսեսի, Սահակ-Մեսրոպի, Ենոք-հայու, Առաքելեցու, Գեորգ Դ-ի և Նրիմյան Հայրիկի արժանավորագրված հաջորդի, այլև որպես հայ բոլոր լավագույն արժանիքների ամենաներդաշնակ համադրողի և կենսագործողի...

Վեհափառ Տե՛ր.

Ձեր սիրասուն սարկավազները այս բոլոր դիտում են հպարտությամբ և հիացմունքով: Մեզ համար անպատում երջանկություն է, որ Դուք եք մեր սիրալիր Հայրը: Մենք կրկնակի հպարտ ենք զգում մեզ Ձերդ Ս. Օծուխունը մեզ ալսքան մոտիկ ունենալու համար: Դուք, լինելով մեր արժանավորագրված հոգևորականներից մեկը, սովորեցնում եք մեզ մեր խղճի ազնվությամբ պրպրտել մեր երբեմնի արյունոտ, բայց հերոսական պատմության ամեն մի անկյունը, ամեն

մի էջը: Ուսուցանում եք մեզ, միշտ տիպար օրինակ լինելով, յուրացնել մեր սրբազան նախնիքների լավագույն ավանդները և զինված նրանց մեզ հասցրած խնկարույր ավանդներով, հոժարակամ պատրաստվել նվիրվելու մեր սուրբ ուխտին: Հուզումնալից և դողդոջուն ձեռներով մատնացույց եք անում մեզ մեր հարազատ ժողովրդի արյամբ և արտասուքով խոնավացած և ապա մամուտած Միածնաէջ Տաճարի սրբատաշ քարերը և պատգամ տալիս մեզ՝ աչքի լույսի պես պահել նրանք: Անսահման հմտությամբ և հպարտորեն առաջնորդում եք մեզ դեպի հայ հարուստ մշակույթի մեծարժեք գանձարաններն ու նվաճումները: Պարտք եք դնում մեզ վրա, մեր խղճի վրա՝ սիրել, սիրելի Հայրենի սրբազան հողը՝ Սովետական Հայաստանը, հարազատ ժողովրդին, Հայաստանյայց Առաքելական սրբանվեր Եկեղեցին, և անհրաժեշտ դեպքում լինել անձնագործ...

Դուք հավատով եք խոսում մեզ Սփյուռքի մեծ ջուրտ, մերթ կիզիչ ավերում անտուն թափառող մեր հայրենակարոտ պանդուխտների մասին, և պարտավորեցնում մեզ՝ ամբողջ հոգով սիրել նրանց, մեր բոլոր հնարավորն անել, որպեսզի իրականանան նրանց դարավոր երազները:

Եստե՛ն Ձեզանից մեզ եկած բարիքները, բոլոր հարստացնում են մեր միտքը, սիրտն ու հոգին. և առավելագույն չափով գոտեանդում մեզ՝ լիապես նատարելու համար Ձեր սոբաժան, աստղամենոր:

Վեհափառ Տե՛ր, հավաստիացնում ենք Ձեզ, որ մենք եկատառենք Ձեռ պահանջները, կարդառագենք Ձեռ հույսերը:

Մեզ համար անսահման ուրախություն է տեսնել Ձեզ առպես առուու, փութեռանդ, կենսախինդ: Կառծես բնութունը Ձեզ միտ մեծ հոռատառություն ունի. Դուք հետզհետե երիտասարդանում եք:

Աղոթում ենք. որ ամենաբարի Տեռ լիակատար հաջողությամբ պսակի Ձեր ձեռնարկած բոլոր գործերը:

Աղոթում ենք, որ մարդասերն Աստված Ձեզ արժանի անի հարաժատ աչքերով տեսնելու Ձեր ցանած սերմերի փարթամ աճն ու բազմաբուսուն հունձը, Ձեռ մեծ և սրբազան նպատակների կատարումը և Ձեր լավագույն իղձեռի կռականացումը...

Աղոթում ենք Ձեր թանկագին կյանքի հարատևության և արևշատության համար:

Նրկա՛ր, շա՛տ երկառ ապրեք, Վեհափառ Տե՛ր, մեր սիրելի Հայրի՛կ...

